

.../business ulaganja

Asamer investira još 45 miliona eura u FCL

Dodatnom investicijom bit će osigurano povećanje proizvodnih kapaciteta, kao i smanjenje uvoza cementa. Ukupnim investicionim obimom od oko 105 miliona eura, kompanija Alas International svrstala se među vodeće inozemne investitore u BiH. Piše *Almasa Bajrić*

Alas International AG, članica poduzetničke grupacije Asamer, nastavlja drugu investicionu etapu u Fabrici cementa Lukavac, gdje će u ovoj fazi biti uloženo dodatnih 45 miliona eura. Dodatnom investicijom bit će osigurano povećanje proizvodnih kapaciteta, kao i smanjenje uvoza cementa. Ukupnim investicionim obimom od oko 105 miliona eura, jer je u prvoj fazi investiranja uloženo 60 miliona eura, ko-

mpanija Alas International svrstala se među vodeće inozemne investitore u Bosni i Hercegovini.

U povodu 4. juna, Dana FCL, menadžment kompanije organizirao je druženje i obilazak fabrike sa predstavnicima vlasti, poslovnim partnerima i medijima, gdje su ih upoznali sa radom i razvojnim planovima FCL.

“U BiH, a posebno u Tuzlanskom kantonu, naišli smo na dobrog partnera za provođenje naših poslovn-

ih aktivnosti. Veoma smo zadovoljni uspjesima koje ostvaruje Fabrica cementa Lukavac, a dosadašnje rezultate, u svakom slučaju, možemo usporediti sa onima, koje ostvarujemo u drugim evropskim zemljama”, kaže Kurt Asamer, nadležni član Uprave Asamer Holdinga. Firma Alas International je već 2001. godine preuzela vlasništvo nad 51 posto imovine Fabrike cementa Lukavac. Kupovinom dodatnih dionica, članica grupacije Asa-



Zadovoljni ulaganjima u Lukavac, ističe Asamer

Druga faza izgradnje
bit će okončana u
martu 2009. godine



.../business ulaganja

mer povećala je svoje vlasništvo na više od 99 posto. Od trenutka preuzimanja vlasništva, u fabrici su izvršene brojne investicije.

U aktuелnoj drugoj etapi modernizacije u FCL, koja obuhvata izgradnju nove rotacione peći, novog vertikalnog mlina sirovine kapaciteta, novi silos homogenizacije, te drugih pratećih objekata, ulaže se 45 miliona eura. Završetak druge investicione faze planiran je za mart 2009. godine.

“Sa izgradnjom nove peći, bit će zaokružen investicijski plan. U tehničko-tehnološkom smislu imat ćemo proizvodnju od 800.000 tona, a fabrika će ispunjavati sve evropske standarde”, rekao je direktor Fabrike cementa Lukavac Izet Imamović. Radovi na modernizaciji i rekonstrukciji, koji će biti završeni do 2009. godine, doprinijet će, prije svega, povećanju proizvodnih kapaciteta. Cilj je proizvodnja od oko 600.000 tona klinkera i 800.000 tona cementa godišnje. Ovakvo povećanje proizvodnje bit će praćeno smanjenjem uvoza cementa u BiH. Između ostalog, bit će izvršena i modernizacija gorionika, koji će biti doveden na najmoderniji nivo tehnike, čime će se u proizvodnji klinkera omogućiti upotreba alternativnih goriva. Na ovaj način moguće je ostvariti uštede na konvencionalnim gorivima. FCL će opremanjem postrojenja ekološki podobnim tehnologijama ispunjavati i najmodernije ekološke standarde. Po završetku svih investicionih radova Fabrika cementa Lukavac će preuzeti vodeću ulogu na tržištu BiH.

“U cjelokupnom procesu modernizacije i izgradnje učestvuje veliki broj firmi, pri čemu 30 posto radova izvode lokalne firme. Drago nam je što na ovaj način možemo doprinijeti privrednom razvoju regije. U proteklom periodu imali smo jako dobra iskustva sa predstavnicima vlasti, a moram naglasiti da smo u firmi zatekli jako dobre ljude, kvalitetan kadar, što omogućava dobar i uspješan rad”, naglasio je Asamer. **B**



Maskota
Luki